

全上古三代秦漢三國六朝文

〔清〕嚴可均輯

全上古三代秦漢三國六朝文

三

上海古籍出版社

圖書在版編目(CIP)數據

全上古三代秦漢三國六朝文/(清)嚴可均輯. —上海:
上海古籍出版社, 2009. 6

ISBN 978-7-5325-5328-0

I. 全… II. 嚴… III. 古籍—匯編—中國 IV. Z422

中國版本圖書館 CIP 數據核字(2009)第 044259 號

ISBN 978-7-5325-5328-0



全上古三代秦漢三國六朝文

[清]嚴可均 輯

上海世紀出版股份有限公司 出版、發行
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji@guji.com.cn

(3) 易文網網址: www.ewen.cc

張華書屋上海發行所發行經銷 上海展強印刷有限公司印刷

開本 787 × 1092 1/16 印張 259.75 插頁 24

2009 年 6 月第 1 版 2009 年 6 月第 1 次印刷

印數: 1—600

ISBN 978-7-5325-5328-0

K · 1200 定價: 580.00 元

如有質量問題, 請與承印公司聯繫

據民國十九年影印清光緒二
十年黃岡王氏刻本影印原書版
框高一五〇毫米寬二一〇毫米

全上古三代秦漢三國六朝文三

〔清〕嚴可均輯

總目

第一冊

全上古三代文十六卷 全秦文一卷 全漢文六十三卷 全後漢文卷一至卷四十

第二冊

全後漢文卷四十一至卷一百零六 全三國文卷一至卷六十六

第三冊

全三國文卷六十七至卷七十五 全晉文卷一至卷一百十五

第四册

全晉文卷一百十六至卷一百六十七 全宋文六十四卷 全齊文卷一至卷六

第五册

全齊文卷七至卷二十六 全梁文七十四卷 全陳文十八卷 全後魏文卷一至卷五

第六册

全後魏文卷六至卷六十 全北齊文十卷 全後周文二十四卷 全隋文三十六卷

先唐文一卷

吳五

駱統

統字公緒會稽烏傷人孫權嗣位試爲烏程相召補功曹行騎都尉出爲建忠郎將從陸遜破蜀兵於宜都還偏將軍黃武初封新陽亭侯後爲濡須督有集十卷

表理張溫

伏惟殿下天生明德神啟聖心招髦秀於四方置俊人於宮朝多士既受普薦之恩張溫又蒙最隆之施而溫自招罪譴孤負榮遇念其如此誠可悲疾然臣周旋之間爲國觀聽深知其狀故密陳其理溫實心無他情事無逆迹但年紀尙少鎮重尙淺而戴赫烈之寵體卓偉之才尤臧否之譚効褒貶之議於是務勢者妬其寵

全三國文卷六十七 駱統

爭名者嫉其才玄默者非其譚瑕釁者諱其議此臣下所當詳辨明朝所當究察也昔賈誼至忠之臣也漢文大明之君也然而終灌一言賈誼遠退何者疾之者深譖之者巧也然而誤聞於天下失彰於後世故孔子曰爲君難爲臣不易也溫雖智非從橫武非虓虎然其弘雅之素英秀之德文章之采論議之辨卓躐冠羣燁燁曜世世人未有及之者也故論溫才即可惜言罪則可恕若忍威烈已赦盛德宥賢才已致大業固明朝之休光四方之麗觀也國家之於賢豔不內之忌族猶等之平民是故先見用於朱治次見舉於眾人中見任於明朝亦見交於溫也君臣之義義之最重朋友之交交之最輕者也國家不嫌與豔爲最重之義是目溫亦不嫌與豔爲最輕之交也時世寵之於上溫竊親之於下也夫宿惡之民放逸山險則爲勁寇將置平土則爲健兵故溫念在欲取宿惡已除勁寇之害而增健兵之銳也但自錯恭功不副言然計

其送兵已比許晏數之多少溫不減之用之彊贏溫不下之至於遲速溫不後之故得及秋冬之月赴有警之期不敢忘恩而遺力也溫之到蜀其舉殷禮雖臣無境外之交亦有可原也境外之交謂無君命而私相從非國事而陰相聞者也若曰命行既修君奸因敘已情亦使臣之道也故孔子使鄰國則有私覲之禮季子聘諸夏亦有燕譚之義也古人有言欲知其君觀其所使見其下之明明知其上之赫赫溫若譽禮能使彼歎之誠所目昭我臣之多

良明使之得其人顯國美於異境揚君命於他邦是目管趙文子之盟于宋也稱隨會於屈建楚王孫圉之使于晉也譽左史於趙執亦向他國之輔而歎本邦之臣經傳美之目光國而不譏之目外交也王靖內不憂時外不趨事溫彈之私推之不假於是與靖遂爲大怨此其盡節之明驗也靖兵眾之勢幹任之用皆勝於賈原蔣康溫尙不容私目安於靖豈敢賈恩目協原康耶又原在

全三國文卷六十七 駱統

職不勤當事不堪溫數對目醜色彈目急聲若其誠欲責恩作亂則亦不必貪原也凡此數者校之於事既不合參之於眾亦不驗臣竊念人君雖有聖哲之姿非常之智然目一人之身御兆民之眾從層宮之內瞰四國之外照羣下之情求萬機之理猶未易周也固當聽察羣下之言目廣聰明之烈今若人非溫既殷勤臣是溫又契闊辭則俱巧意則俱至各自言欲爲國誰其言欲爲私倉卒之間猶難別然目殿下之聰察講論之曲直若潛神畱思纖粗研核情何嫌而不宣事何昧而不昭哉溫非親臣臣非愛溫者也昔之君子皆抑私忿目增君明彼獨行之於前臣恥廢之於後故遂發宿懷於今日納愚言於聖聽實盡心於明朝非有念於溫身也吳志張溫傳

民戶損耗上疏臣聞君國者目據疆土爲彊富制威福爲尊貴曜德義爲榮顯永

世皆爲豐祚然財須民生強賴民力威恃民勢福由民施德俟民茂養民行六者既備然後應天受祚保族宜邦書曰眾非后無能胥百寧后非眾無已辟四方惟是言之則民曰君安君曰民濟不易之道也今疆敵未殄海內未安三軍有無已之役江境有不釋之備徵賦調數由來積紀加日殃疫死喪之災郡縣荒虛田疇蕪曠聽聞屬城民戶沒寡又多殘老少有丁夫聞此之日心若焚燎思尋所由小民無知既有安土重遷之性且又前後出爲兵者生則困苦無有溫飽死則委棄骸骨不反是已尤用總太畏遠同之於死每有徵發竊謹居家重累者先見輸送小有財貨傾居行賂不顧窮盡輕剽者則進入險阻黨就羣惡百姓虛竭嗷然愁擾愁擾則不營業不營業則致窮困致窮困則不樂生故口腹急則奸心動而擄掠多也又聞民間非居處小能自供生產兒子多不起養屯田貧兵亦多棄子天則生之而父母殺之既懼干逆和氣

全三國文卷六十七

三

感動陰陽且惟殷下開基建國乃無窮之業也彊鄰大敵非造次所滅輻場常守非期月之成而兵民減耗後生不存非所已歷遠年致成功也夫國之有民猶水之有舟停則已安擾則已危愚而不可欺弱而不可勝是已聖王重焉禍福由之故與民消息觀時制政方今長吏親民之職惟已辨具爲能取過目前之急少復已恩惠爲治副稱殷下天覆之仁勤恤之德者官民政俗日已彫敝漸已陵遲勢不可久夫治疾及其未篤除患貴其未深願殿下少召萬機餘閒留神思省補復荒虛深圖遠計育殘餘之民阜人財之用參曜三光等崇天地臣統之大願足已死而不朽矣

時徵役繁數重官疲民戶損耗流上疏曰云云

陳諸將舟船轉相高上建立奇工文曰丹漆彫鏤之巧好尙滋繁計其費耗所損不少北堂書抄未開改

全琮

琮字子璜吳郡錢唐人也爲奮威校尉遷偏將軍封陽華亭侯黃武中遷綏南將軍運封錢唐侯假節領九江太守徙東安太守黃龍初遷衛將軍左護軍徐州牧尙主赤烏末遷右大司馬左軍師

密表止太子登出征

古來太子未嘗偏征也故從曰撫軍守曰監國今太子東出非古制也臣竊憂疑吳志全琮傳注引江表傳

潘濬字承明武陵漢壽人劉表辟爲江夏從事徙湘陰令蜀先王領荊州已爲治中從事及定蜀留典州事後降吳拜輔軍中郎將遷奮威將軍封常遷亭侯權稱尊號拜少府進封劉陽侯遷太常

全三國文卷六十七

四

疏責子羈

吾受國厚恩志報已命爾輩在都當念恭順親賢慕善何故與降虜交已糧餉之在遠聞此心震面熱惆悵累旬疏到急就往使受杖一百促責所餉吳志潘濬傳注引吳書

顧譚

譚字子默吳郡吳人丞相雍孫爲太子中庶子轉輔正都尉赤烏中代諸葛恪爲左節度加奉車都尉尋爲選曹尙書拜太常平尙書事爲全琮父子所構徙交州有顧子新語十二卷

上疏安太子

臣聞有國有家者必明嫡庶之端異尊卑之禮使高下有差階級踰逸如此則骨肉之恩生觀餽之望絕昔賈誼陳治安之計論諸侯之勢已爲勢重雖親必有逆節之累勢輕雖疏必有保全之祚故淮南親弟不終饗國失之於勢重也吳芮庶臣傳祚長沙得之

上疏云云

議奔喪

謹啟

綜字偉則汝南固始人呂金曹從事拜鄢長入爲書部尋領右部督加建武中郎將魏封吳王并封綜爲亭侯黃龍初爲侍中

胡宗

五

進封鄉侯兼右領軍尋拜偏將軍兼左執法有集二卷

黃龍太牙賦

乾坤肇立三才是生狼狐垂象實惟兵精聖人觀法是效是營始
作器械爰求厥成黃農創代拓定皇基上順天心下息民災高辛
誅共舜征有苗殷有甘師湯有鳴條周之牧野漢之垓下靡不由
兵克定厥緒明明大吳實天生德神武是經惟皇之極乃自在昔
黃虞是祖越歷五代繼世在下應期受命發迹南上將懷大猷草
我區夏乃律天時制爲神軍取象太一五將三門疾則如電遲則
如雲進止有度約而不煩四靈旣布黃龍處中周制日月實曰太
常桀然特立六軍所掌仙人在上鑒觀四方神寔使之爲國休祥
軍欲轉向黃龍先移金鼓不鳴寂然變處聞謨若神可謂神奇在
昔周室赤烏銜書今也大吳黃龍吐符合契河洛動與道俱天贊

中分天下盟文

天降喪亂，皇綱失敘。逆臣乘釁，劫奪國柄。始於董卓，終於曹操。窮凶極惡，日覆四海。至今九州幅裂，普天無統。民神痛屈，靡所戾止。及操子丕，桀逆遺醜，薦作奸回，偷取天位。而彼么麼，寧不凶蹟，阻兵盜土，未伏厥誅。昔共工亂象，而高辛行師，三苗十度，而虞舜征焉。今日滅讎，禽其徒黨，非漢與吳，將復誰在。夫討罪剪暴，必聲其罪，宜先分裂奪其土地，使士民之心各知所歸。是已春秋晉侯伐衛，先分其田。呂界宋人，斯其義也。且古建大事，必先盟誓。故周禮有司盟之官，尙書有告誓之文。漢之與吳，雖信由中，然分土裂境，宜有盟約。諸葛丞相德威遠著，習戴本國典戎在外，信感陰陽，誠

胡絲

六

動天地重復結盟廣誠約誓使東西士民咸共聞知故立壇殺牲
昭告神明再歆加書副之天府天高聽下靈威業謨司慎司盟羣
臣羣祀莫不臨之自今日漢吳既盟之後勦力一心同討魏賊救
危恤患分災共慶好惡齊之無或攜貳若有害漢則吳伐之若有
害吳則漢伐之各守分土無相侵犯傳之後葉克終若始凡百之
約皆如載書信言不黷實居於好有渝此盟創禍先亂違貳不協
愆慢天命明神上帝是討是督山川百神是糾是殛俾堅其師無
克祚國其明鑒之失志大者傳劾逆衛尉陳震虞權位三分天下後主徐淑蜀人安其并
綏俾日徐爲盟文文義甚美又見說文類聚三十三

受命之主，繫天而王，建化垂統，爲一代之制。雖禮有損益，事有質文，至於崇建懿親，列土封爵，內蕃國朝，外鎮天下，古今同契。其揆一也。周室之興，寵族子弟，姬姓之國，五十有五。諸王子受國者，漸之。

光武中興四海撥亂諸制度未備而九子受國明章即位男則
付王女爲公主故詩曰既受帝祉施於孫子陛下踐阼以來十有
二載皇后無號公主無邑臣下歎息遠近失望是臣屢獻愚懷依
據典禮庶請具陳足寤聖心深辭固拒不蒙進納恐天下有識之
士將謂吳臣闇於禮制不知陛下謙曰失之也加今仰夏盛德在
上大吳之慶於是乎始開國建號吉莫大焉唯陛下割謙謙之德
副兆民之望謂神祐許天下幸甚 文類聚

議奔喪

喪紀之禮雖有典制苟無其時所不得行方今戎事軍國異容而
長吏遭喪知有科禁公敢干突苟念聞憂不奔之恥不計爲臣犯
禁之罪此由科防本輕所致忠節在國孝道立家出身爲臣焉得
兼之故爲忠臣不得爲孝子宜定科文示以大辟若故違犯有罪
無赦已殺止殺行之一人其後必絕吳志大

全三國文卷六十七

胡綜

七

僞爲吳質作降文三條

其一曰天網弛絕四海分崩羣生憔悴士人播越兵寇所加邑無
居民風塵煙火往往而處自三代以來大亂之極未有若今時者
也臣質志薄處時無方繫於土壤不能翻飛遂爲曹氏執事戎役
遠處河朔天衢隔絕雖望風慕義思託大命愧無因緣得展其志
每往來者竊聽風化伏知陛下齊德乾坤同日月神武之姿受
之自然敷演皇極流化萬里自江已南戶受覆蓋英雄俊傑上達
之士莫不心歌腹詠樂在歸附者也今年六月末奉聞吉日龍興
踐阼恢弘大猷整理天綱將使遺民覩見定主昔武王伐殷殷民
倒戈高祖誅項四面楚歌方之今日未足自喻臣質不勝昊天至
願謹遣所親同郡黃定恭行奉表及託降叛關求達其欲所陳
載列于左

其二曰昔伊尹去夏入商陳平委楚歸漢書功竹帛遺名後世

主不謂之背誣者已爲知天命也臣昔爲曹氏所見交接外託君
臣內如骨肉恩義綢繆有合無離遂受偏方之任總河北之軍當
此之時志望高大永與曹氏同死俱生惟恐功之不建事之不成
耳及曹氏之亡後嗣繼立幼冲統政議言彌興同儕者言勢相害
異趣者得聞其言而臣受性簡略素不下人視彼數子意實迫之
此亦臣之過也遂爲邪議所見構會招致猜疑誣臣欲叛雖識真
者保明其心世亂讒勝餘嫌猶在常懼一旦橫受無辜憂心孔疚
如履冰炭昔樂毅爲燕昭王立功於齊惠王即位疑奪其任遂去
燕之趙休烈不虧彼豈欲二三其德蓋畏功名不建而懼禍之將
及也昔遺魏郡周光已賈賈爲名託叛南詭宣達密計時已倉卒
未敢便有章表使光口傳而已已爲天下大歸可見天意所在非
吳復誰此方之民思爲臣妾延頸舉踵惟恐兵來之遲耳若使聖
恩少加信納當已河北承望王師疑心赤實天日是鑒而光去經

全三國文卷六十七

胡綜

八

年不聞咳唾未審此意竟得達不瞻望長歎日月已幾魯望高子
何足自喻又臣今日見待稍薄蒼蠅之聲絲絲不絕必受此禍遲
速事耳臣私度陛下未垂明慰者必已臣質貫穿仁義之道不行
若此之事謂光所傳多虛少實或謂此中有他消息不知臣質構
譏見疑恐受大害也且臣質若有罪之日自當奔赴鼎鑊束身待
罪此蓋人臣之宜也今日無罪橫見譖毀將有商鞅白起之禍尋
惟事勢去亦宜也死而弗義不去何爲樂毅之出吳起之走君子
傷其不遇未有非之者也願陛下推古況今不疑怪於臣質也又
念人臣獲罪當如伍員奉己自效不當微幸因事爲利然今與古
厥勢不同南北悠遠江湖隔絕自不舉事何得濟免是已忘志士
之節而思立功之義也且臣質又已曹氏之禍非天命所在政弱
刑亂柄奪於臣諸將專威於外各自爲政莫或同心士卒衰耗帑
藏空虛綱紀毀廢上下並昏想前後數得降叛具聞此間兼弱攻

味宜應天時此實陛下進取之秋是日區區敢獻其計今若內兵
淮泗據有下邳荆揚二州聞聲響應臣從河北席卷而南形勢一
連根牙永固關西之兵繫於所衝青徐二州不敢徹守許洛徐兵
眾不滿萬誰能來東與陛下爭者此誠千載一會之期可不深思
而熟計乎及臣所在既自多馬加諸羌胡常呂三四月中美草時
驅馬來出隱度今者可得三千餘匹陛下出軍當投此時多將騎
士來就馬耳此皆先定所一二知凡兩軍不能相究虛實今此間
實贏易可克定陛下舉動應者必多上定洪業使普天一統下合
臣質建非常之功此乃天也若不見納此亦天也願陛下思之不
復多陳

其三日昔許子遠舍袁就曹規畫計較應見納受遂破袁軍曰定
曹業向使曹氏不信子遠懷疑猶豫不決於心則今天下袁氏有
也願陛下思之聞聞界上將閻浮趙揖欲歸大化唱和不速曰取

全三國文卷六十七

胡綜

九

破亡今臣款款遠授其命若復懷疑不時舉動令臣孤絕受此厚
禍即恐天下雄夫烈士欲立功者不敢復託命陛下矣願陛下思
之皇天后土實聞其言

吳志胡
綜傳

太子賓友目

英才卓越超踰倫匹則諸葛恪精識時機達幽究微則顧譚凝
宏達言能釋結則謝景究學甄微游夏同科則范曄

吳志孫登傳
注引江表傳

是儀

儀字子羽北海營陵人本姓氏曰孔融嘲改初爲郡縣吏後依

劉繇避亂江東繇敗徙會稽權嗣位徵典機密拜騎都尉從襲
荊州拜忠義校尉遷裨將軍封都亭侯守侍中黃武中遷偏將
軍進封都鄉侯復拜侍中遷尙書僕射領魯王傳卒年八十一
領魯王傳上疏

臣竊以魯王天挺懿德兼資文武當今之宜宜鎮四方爲國藩輔

宣揚德美廣耀威靈乃國家之良規海內所瞻望但臣言辭鄙野
不能究盡其意愚已二宮宜有降殺正上下之序明教化之本

吳志儀
傳

全三國文卷六十七

是儀

十

賜進士出身二品銜廣東等處提刑按察使司按察使兼管驛傳事務廣西王毓藻校刊

全三國文卷六十七終

全三國文卷六十八

烏程嚴可均校輯

虞翻

吳六

翻字仲翔，會稽餘姚人。太守王朗目爲功曹，孫策平會稽，復爲功曹，出爲富春長。州舉茂才，漢召爲侍御史，司空曹公辟，皆不就。孫權目爲騎都尉，徙丹陽涇縣，後屢忤指，徙交州十餘年。卒年七十。有周易注九卷、周易集林律歷一卷、國語注二十一卷、論語注十卷、老子注二卷、太玄經注十四卷、集三卷。案隋志：出今考翻卒在權稱尊號之後，宜編入吳。

上書吳主權

陛下膺明聖之德，體舜禹之孝，厥運當期，順天濟物，奉承策命，臣獨拊舞，罪棄兩絕，拜賀無階，仰瞻宸極，且喜且悲。臣伏自刻省，命

全三國文卷六十八 虞翻

一

輕鼠雀，性輒毫釐，罪惡莫大，不容于誅。昊天罔極，全有九載，退當念戮，頻受生活，復偷視息。臣年耳順，思咎憂憤，形容枯悴，髮白齒落，雖未能死，自悼終役，不見宮闕，百官之富，不親皇輿，金軒之飾，仰觀巍巍，眾民之謠，傷聽鐘鼓，侃然之樂，永隕海隅，棄骸絕域，不勝悲慕，逸豫大慶，悅目忘罪。虞翻傳注引翻別傳曰：權即尊號，翻因上書云云。

奏上易注

臣聞六經之始，莫大陰陽，是曰伏羲，仰天縣象，而建八卦，觀變動六爻，爲六十四，曰通神明，曰類萬物。臣高祖父故零陵太守光少治孟氏易，曾祖父故平輿令成續，述其業，至臣祖父鳳，爲之最密。臣先考故日南太守欽，受本於鳳，最有舊書，世傳其業。至臣五世前人通講多玩章句，雖有祕說，於經疏闊。臣生遇世亂，長於軍旅，習經於枹鼓之間，講論於戎馬之上，蒙先師之說，依經立注，又臣郡吏陳桃夢臣與道士相遇，放髮被鹿裘，布易六爻，撓其三曰：飲

臣臣乞盡吞之。道士言易道在天，三爻足矣。豈臣受命，應當知經所覽諸家解，不離流俗，義有不當，實輒悉改，定曰就其正。孔子曰：乾元用九，而天下治。聖人南面，蓋取諸離。斯誠天子所宜協陰陽，致麟鳳之道矣。謹正書，副上，惟不罪戾。吳志：虞翻傳注引翻別傳。經之大者，莫過於易。自漢初以來，海內英才，其讀易者，解之幸少，至孝靈之際，頗川荀爽，號爲知易。臣得其注，有愈俗儒，至所說西南得朋，東北喪朋，顛倒反逆，了不可知。孔子歎易曰：知變化之道者，其知神之所爲乎。曰：美大衍四象之作，而上爲章首，尤可怪矣。又南郡太守馬融，各有俊才，其所解釋，復不及諸。孔子曰：可與其學，未可與適道，豈不具然。若乃北海鄭玄，南陽宋忠，雖各立注，忠小差玄，而皆未得其門。難曰：示世。吳志：虞翻傳注引翻別傳。奏鄭玄解尚書，違失事因。

全三國文卷六十八 虞翻

二

後禮義有所錯，是故尊君卑臣，禮之大司也。伏見故徵士北海鄭玄所注尚書，曰：顧命，康王執珪，古同似同，從誤作同。既不覺定，復訓爲杯，謂之酒杯，成王疾困，憑几洩頰，爲濯，曰爲幹衣成事。洩字虛更作濯，曰從其非。又古大篆，卽字讀當爲極，古極卽同字，而曰爲昧，分北三註，北古別字，又訓北言北，猶別也。若此之類，誠可怪也。玉人職曰：天子執瑱，曰朝諸侯，謂之酒杯。天子類而謂之幹衣，古篆而字反，曰爲昧，甚遠不知蓋闕之義。於此數事，誤莫大焉。宜命學官，定此三事。又馬融訓注，亦曰爲同者，大同天下，今經益金就作銅字，詁訓言天子副璽，雖皆不得，猶愈於玄然此不定。臣沒之後，而奮乎百世，雖世有知者，懷謙莫或奏正。又玄所注五經，違義尤甚者，百六十七事，不可不正。行乎學校，傳乎將來，臣竊恥之。吳志：虞翻傳注引翻別傳。追與容書

僕聞虎魄不取腐芥磁石不受曲鍼過而不存不可宜乎吳志虞引吳書

與丁固同僚書

丁子賤寒淵好德堂構克舉野無遺統斯之為懿其美優矣令德之後惟此君嘉耳吳志虞翻傳注引會稽典錄山陰丁覽字孝達為郡功曹守始平長覽子固字子賤孫休時為左御史大夫孫陸即位遷司徒

與徐陵書

元大受上卿之遇叔向在晉未若於今吳志虞翻傳注引會稽典陵太守時朝廷侯曰列卿之位

與士仁書

明者防禍於未然智者圖患於將來知得知失可與為人知存知亡足別吉凶大軍之行斥候不及施烽火不及舉此非天命必有內應將軍不先見時時至又不應之獨守縈帶之城而不降死戰

全三國文卷六十八 虞翻

三

則毀宗滅祀為天下譏笑呂虎威欲徑到南郡斷絕陸道生路一塞案其地形將軍為在箕舌上耳奔走不得免降則失義竊為將軍不安幸熟思焉吳志出康傳注引吳書

與所親書

諸葛敦仁則天活物比蒙清論有已保公惡積罪深見忌殷重雖有祁老之救德無羊舌解釋難冀也吳志諸葛瑾傳

與某書

此中小兒年四歲矣似欲聰哲雖蝦不生鯉子此子似人欲為求婦不知所向君為訪之勿怪老癡舉此兒也御覽四百九十九又七百三十九

與弟書

長子容當為求婦其父如此誰肯嫁之者造求小姓足使生子天其福人不在舊族揚雄之才非出孔氏之門芝草無根醴泉無源家聖受禪父頑母嚚虞家世法出癡子御覽五百一十一

有數頭男皆如奴僕伯安雖癡諸兒不及觀我所生有兒無子伯安三男阿思似父思其兩弟有似人也去日南遠恐如甘蔗近抄御覽九百七十四

朱治

治字君理丹陽故鄣人靈帝時為縣吏察孝廉州辟從事孫堅已為司馬行都尉獻帝初行督軍校尉太傅馬日磾辟為掾遷吳郡都尉建安中領吳郡太守孫權統事表為九真太守行扶義將軍黃武初封毗陵侯拜安國將軍徙封故鄣

說孫賁

破虜將軍昔率義兵入討董卓聲冠華夏義士壯之討逆繼世廓定六郡特已君疾骨肉至親器為時生故表漢朝剖符大郡兼建將校仍關綜兩府榮冠宗室為遠近所瞻加討虜聰明神武繼承洪業攬結英雄周濟世務軍眾日盛事業日隆雖昔蕭王之在河

全三國文卷六十八 朱治

四

北無已加也必克成王基應運東南故劉玄德遠布腹心求見拯救此天下所共知也前在東閭道路之言云將軍有異趣良用撫然今曹公阻兵傾覆漢室幼主流離百姓元元未知所歸而中國蕭條或百里無煙城邑空虛道殣相望士歎於外婦怨乎室加之日師旅因之曰饑饉已此料之豈能越長江與我爭利哉將軍當斯時也而欲背骨肉之親遠萬安之計割同氣之膚啖虎狼之口為一女子改慮易圖失機毫釐差已千里豈不惜哉吳志朱治傳太史贊女為曹公子婦及曹公破荆州賁欲遣子入賁注引江表傳載治說賁

朱然

然字義封本姓施朱治姊子為治嗣孫權統事為餘姚長遷山陰令加折衝校尉尋為臨川太守拜偏將軍已禽關羽功遷昭武將軍封西安鄉侯進虎威將軍尋假節代呂蒙鎮江陵已破蜀先主功拜征北將軍封永安侯後改封當陽侯拜車騎將軍

右護軍又拜左大司馬右軍師

上疏討馬茂

馬茂小子敢負恩養臣今奉天威事蒙克捷欲令所獲震耀遠近方舟塞江使足可觀日解上下之忿惟陛下識臣先言責臣後效

然傳

朱純 續字公緒然子爲郎拜建忠都尉遷偏將軍營下督然卒拜平

魏將軍樂鄉督孫亮時遷鎮東將軍後拜驃騎將軍孫休時遷上大將軍孫皓初拜左大司馬

與諸葛融書

昶遠來疲困馬無所食力屈而走此天助也今追之力少可引兵相繼吾欲破之於前足下乘之於後豈一人之功哉宜同斷金之義

全三國文卷六十八 朱然 朱績 朱聚 五

吾聚

聚字孔休吳郡烏程人將軍孫河表爲曲阿丞遷長史孫權召爲主簿出爲山陰令尋爲參軍校尉黃武初遷會稽太守拜昭義中郎將入爲屯騎校尉少府遷太子太傅被譖誅

召處士謝譚教

夫應龍屈伸爲神鳳皇嘉鳴爲貴何必隱形於天外潛鱗於重淵者哉

陸績

績字公紀吳郡吳人孫權統事辟奏曹掾出爲鬱林太守加偏將軍卒年三十二有周易注十五卷太玄注十卷

渾天儀說

先王之道存乎治麻明時本之驗著在于天象夫法象莫若渾天渾天之設久矣昔在顓頊使南正重司天而帝嚳亦敘三辰堯命

義和欽若昊天麻象日月星辰舜之受禪在璇璣玉衡呂齊七政日數者言之異時已立渾天之象明矣周公敘次六十四卦兩兩相承反覆成象曰法天行周而復始晝夜之義故晉卦象曰晝日三接明夷象曰初登于天後入于地仲尼說之曰明出地上晉進而麗乎大明是日晝日三接明入地中明夷夜也先晝後夜先晉後明夷故曰初登于天昭四國也後入于地失則也日月麗乎天隨天轉運入乎地日成晝夜也渾天之義蓋與此同仲尼歿大道乖諸子穿鑿妄作乃有蓋天之說其爲虛僞較然可知渾天日日出地上則晝故易曰明出地上晝日三接又曰晉進也日入于地則夜夜則明傷故易曰明夷傷也又曰初登于天昭四國也後入于地失則也尙書寅賓出日寅饒納日曰此言之而知日出入于地審矣若不出入于地則何緣得有晝夜明闇乎天半覆地上半周地下繞地而運故二十八宿半見半隱若天半右覆地上半

全三國文卷六十八 陸績

六

不在地下二十八宿何故更見更隱乎由此言之天乃裹地而運信矣此是昏明之大術也天之形狀圓周渾然運于無窮故曰渾易曰乾爲天爲圓又曰先甲三日後甲三日終則有始天行健此之謂矣天大地小天繞地半覆地上半周地下譬如卵白白之繞黃也揚子雲太玄經曰天穹窿而周乎下地翳薄而向乎上故知天裹地下周天三百六十五度四分度之一一百八十二度八分度之五覆地上百八十二度八分度之五周地下故二十八宿半見半隱日月出入日成昏明也北極星北方偏出于地三十五度南極中偏入于地亦三十五度南極北極天軸所在轉運所由譬車之有輪所自自行也眾星皆移無常惟北辰守中不易是日知其爲天中也天傾故極在中北仲尼曰譬如北辰居其所而眾星拱之又太玄經曰天圓地方極樞中央動曰麻靜時乘十二呂建七政是日嘉典曰在璇璣玉衡呂齊七政此之謂也繞北極七

十度之外常在地下不出地周天一百七萬一千里東西南北徑

三十五萬七千里立徑亦然開元占經

閏月無中氣此斗斜指二辰之間御覽

渾天圖

魁星第一星主徐州第二星主益州第三星主冀州第四星主荆

州第五星主兗州第六星主揚州第七星主豫州開元占經

太玄經序

闕達大節北堂書

述玄

續昔常見同郡鄒邠字伯岐與邑人書歎楊子雲所述太玄連推

全三國文卷六十八

七

草創注解未能也章陵宋仲子爲作解詁後奇復銜命尋盟仲子
已所解付奇與安遠將軍彭城張子布續得覽焉仲子之思慮誠
爲深篤然玄道廣遠淹廢歷載師讀斷絕難可一備故往往有違
本錯誤續智意豈能弘裕顧聖人有所不知匹夫誤有所達加緣
先王詢于芻蕘之誼故遂卒有所述就引仲子解爲本其合於道
者因仍其說其失者因釋而正之所目不復爲一解欲令學者瞻
覽彼此論其曲直故合聯之爾夫玄之大義撰著之謂而仲子失
其旨歸休咎之占靡所取定雖得文開義說大體乖矣書曰若網
在綱有條而弗紊今綱不正欲弗紊不可得已續不敢苟好著作
已虛譽也庶合道眞使玄不爲後世所尤而已昔楊子雲述玄經
而劉歆觀之謂曰雄空自苦今學經者有祿利然尙不能朋易又
如玄何吾恐後人用覆瓿雄笑而不應雄卒大司空王邑納言
嚴尤聞雄死謂桓譚曰玄其傳乎譚曰必傳願君與譚不及見也

班固贊敘雄事曰凡人貴遠賤近親見傷雄祿位容貌不能動人

故輕其書楊子雲之言文誼至深論不詭於聖人若使遭遇時君

更閱賢智爲所稱善則必度越諸子矣自雄之沒至今四十餘年

其法言大行而玄終未顯又張平子與崔子玉書曰乃者臣朝駕

明日披讀太玄經知子雲特極陰陽之數也曰其滿汎故故時人

不務此非特傳記之屬心實與五經擬漢家得二百歲卒乎所目

作興者之數其道必顯一代常然之符也玄四百歲其興乎竭已

精思已揆其義更使人難論陰陽之事足下累世窮道極微子孫

必命世不絕且幅寫一通藏之曰待能者續論數君所云知楊子

雲太玄無疆也歟云經將覆沒猶法言而今顯揚歟之慮尋於是
爲漏固曰法言大行而玄終未顯固雖云終不必其廢有愈於歟
譚云必傳顧譚與君不見也而玄果傳譚所思過固遠矣平子云
漢之四百其興乎漢元至今四百年矣其道大顯處期甚效厥迹

全三國文卷六十八

八

速其最復優乎且曰歟麻諸之隱奧班固漢書之淵弘桓譚新論
之深遠尙不能鏡照玄經廢興之數況夫王邑嚴尤之倫乎覽平
子書令子玉深藏曰待能者子玉爲世大儒平子嫌不能理但令
深藏益明玄經之爲乎驗雖平子焯亮其道處其熾興之期人之
材意相倍如此雄歎曰師曠之調鐘俟知音之在後孔子作春秋
冀君子之將賄信哉斯言於是乎驗雄受氣純和韜真含道通敏
徹達鉤深致遠建立玄經與聖人同趣雖周公繇大易孔子修春
秋不能是過論其所述終年不能盡其美也考之古今宜曰聖人
昔孔子在衰周之時不見深識或遭困苦謂之佞人列國智士稱
之達者不曰聖人唯弟子中言其聖耳逮至孟軻孫卿之徒及漢
世賢人君子咸並服德歸美謂之聖人用春秋曰爲王法故遂隆
崇莫有非毀楊子雲亦生衰亂之世雖不見用智者識焉桓譚之
絕倫稱曰聖人其事與孔子相似又述玄經平子處其將興之期

果如其言若玄道不應天合神平子無已知其行數若干子替言期應不宜效驗如合符契也作而應天非聖如何昔詩稱母氏聖善多方日惟聖罔念作狂惟狂克念作聖洪範曰睿作聖孟軻謂桀下惠作聖人由是言之人之受性聰明純淑無所繫輒順天道履仁誼因可謂之聖人何常之有乎世不達聖賢之數謂聖人如鬼神而非人類豈不遠哉凡人賤近而貴遠聞續所云其笑必矣冀值識者有已察焉太玄范望注本

自知亡日爲辭

有漢志士吳郡陸績幼敦詩書長玩禮易受命南征遭疾遇厄袁宏紀作遭命不幸嗚呼悲隔吳志陸績傳又見袁宏後漢紀二十九

從今已去六十年之外車同軌書同文恨不及見也上

陸遜

遜字伯言本名議績從子孫權統事爲東西曹令史遷海昌屯

全三國文卷六十八 陸績陸遜

九

田都尉領縣事拜定威校尉歷帳下右部督進偏將軍日平荆州功拜撫邊將軍封華亭侯遷右護軍鎮西將軍進封婁侯黃武元年爲大都督破蜀先主於夷陵拜輔國將軍領荊州牧改封江陵侯黃龍元年拜上大將軍右都護赤烏七年爲丞相日太子事憤志卒年六十三永安中追諡曰昭侯

爲荊州士人上疏

昔漢高受命招延英異光武中興羣俊畢至苟可日照隆道教者未必遠近今荊州始定人物未達臣愚懷懷乞普加覆載抽拔之恩令並獲自進然後四海延頸思歸大化吳志陸遜傳

上疏請緩攻劉備

夷陵要害國之關限雖爲易得亦復易失失之非徒損一郡之地荊州可憂今日爭之當令必諸備于天常不守窟穴而敢自送臣雖不材憑奉威靈日順討逆破壞在近尋備前後行軍多敗少成

推此論之不足爲戚臣初嫌之水陸俱進今反舍船就步處處結營察其布置必無他變伏願至尊高枕不日爲念也吳志陸遜傳

陳時事疏

臣日爲科法嚴峻下犯者多頃年日來將吏罹罪雖不慎可責然天下未一當圖進取小宜恩貸日安下情且世務日興良能爲先自不姦穢人身難忍之過乞復顯用展其力效此乃聖王忘過記功日成王業昔漢高舍陳平之愆用其奇略終建勳祚功垂千載夫峻法嚴刑非帝王之隆業有罰無恕非懷遠之弘規也吳志陸遜傳

請勿取夷州及朱崖疏

臣愚日爲四海未定當須民力日濟時務今兵興歷年見眾損減陛下憂勞聖慮忘寢與食將遠規夷州日定大事臣反覆思惟未見其利萬里襲取風波難測民易水土必致疾疫今驅見眾經涉不毛欲益更損欲利反害又朱崖絕險民猶禽獸得其民不足濟

全三國文卷六十八 陸遜

十

事無其兵不足虧眾今江東見眾自足圖事但當畜力而後動耳昔桓王創基兵不一旅而問大業陛下承運拓定江表臣聞治亂討逆須兵爲威農桑衣食民之本業而干戈未戢民有饑寒臣愚日爲宜育養士民寬其租賦眾克在和義日勸勇則河渭可平九有一統矣吳志陸遜傳

乞息親征公孫淵疏

淵憑險恃固拘留大使名馬不獻實可讎忿蠻夷猾夏未染王化烏竄荒裔拒逆王師至今陛下爰赫斯怒欲勞萬乘汎輕越海不慮其危而涉不測方今天下雲擾羣雄虎爭英雄踴躍張辟大視陛下日神武之資誕膺期運破操烏林敗備西陵禽羽荊州斯三虜者當世雄傑皆推其鋒聖化所綏萬里草偃方躡平華以總一大猷今不忍小忿而發雷霆之怒違垂堂之戒輕萬乘之重此臣之所惑也臣聞志行萬里者不中道而輟足圖四海者匪懷細日

害大疆寇在境荒服未庭陛下乘桴遠征必致關關感至而憂悔之無及若使大事時捷則淵不討自服今乃遠惜遼東眾之與馬奈何獨欲捐江東萬安之本業而不惜乎乞息六師曰威大虜早定中夏垂曜將來吳志陸遜傳

疏請安太子

太子正統宜有磐石之固魯王藩臣當使寵秩有差彼此得所上下獲安謹叩頭流血目聞吳志陸遜傳

建議平山寇

方今英雄基跡豺狼闕望克敵盜亂非眾不濟而山寇舊惡依阻深地大腹心未平難目圖遠可大部伍取其精銳吳志陸遜傳

議緩興利改作

國目民爲本疆由民力財由民出夫民殷國弱民瘠國彊者未之有也故爲國者得民則治失之則亂若不愛利而令盡用立效亦

全三國文卷六十八 陸遜

十一

爲難也是目詩歎宜民宜人受祿于天乞垂聖恩密濟百姓數年之間國用少豐然後更圖吳志陸遜傳

與關羽書

前承觀釁而動目律行師小舉大克一何巍巍敵國敗績利在同盟聞慶拊節想遂席卷共獎王綱近日不敏受任來西延慕光塵

思稟良規吳志陸遜傳

于禁等見獲遐邇欣歎目爲將軍之勳足目長世雖昔晉文城濮之師淮陰拔趙之略蔑目尙茲聞徐晃等步騎駐旌闕望麾操猾虜也忿不思難恐潛增眾目逞其心雖云師老猶有驍悍且戰捷之後常苦輕敵古人杖術軍勝彌警願將軍廣爲方計目全獨克僕書生疏遲忝所不堪喜鄰威德樂自傾盡雖未合策猶可懷也儻明注仰有目察之上同

答劉備

但恐軍新破創痍未復始求通規且當自補未暇虜兵耳若不推算欲復目傾覆之餘遠送目來者無所逃命吳志陸遜傳注引吳錄

假作答還式書

得報懇惻知與休久結嫌隙勢不兩存欲來歸附輒目密呈來書表聞撲眾相迎宜潛速嚴更示定期吳志陸遜傳

答全琮

子弟苟有才不憂不用不宜私出目要榮利若其不佳終爲取禍且間二宮勢敵必有彼此此古人之厚忌也吳志陸遜傳

與全琮書

卿不飾日曜而宿留阿寄終爲足下門戶致禍矣吳志陸遜傳

全三國文卷六十八 陸遜

十二

賜進士出身三品銜廣東巡撫提刑按察使司按察使兼管驛傳事務廣國王毓藻校刊

全三國文卷六十八終